

آنادولو مجموعه سی

صافی : ۲

قلندر اوغلو	احمد رفیع
هدائی	محمد خالد
آنادولوده معارف	محمد امین
ملی تاریخچه موضوعی	مکریمین خلیل
آیرلیق وقعی	نجیب فاضل
آلتی مصراع	سرف لاطم
آنادولو عرفی ودستانلر	حلمی ضیا
حرفلریز	نجیب عاصم
سلجوق طیبیلری	فریدوره نافذ
قونیه ده یشیل قبه	شهاب الدین
آنادولویه	اسعد عادل
بندن بکا مکتوبلر	ناظم لامل
صوک بهار	احمد حمیدی

آبک ایزلی : ییلاندا هیلانی - بر مکتوبک دوشوندیردیکی - کتابلر آراسنده - بر تبرع

ناشری : آنادولو قومانییت نشریات شرکتی

یگنی طبع

ایضاً الی بنیاده رشیده افندی خاتونه

۱۳۴۰

آنادولو مجموعه

آيدم بر نشر اولنور

صايي : ۲

۱ مایس ۳۴۰

سنه : ۱

مصاحبه :

ایمپراطورلق دورنده آنادولو

قلندر اوغلر و آل عثمانه

عثمانلی ادارهسی آنادولوی تمامیه حکمنه رام ایدمه مشدی . بوشیدن ، آنادولوده دوقوزنجی عصر هجریدن اعتباراً ، آل عثمانک سلطنته قارشی دینی و سیاسی قیاملر ظهور ایدیوردی . خصوصیه شرق ایالتلرینک بر قسمی عثمانلی ایمپراطورلغنه لفظاً مربوطدی . (صفحان) ، (قوب) ، (مهرانی) ، (ترجیل) ، (آتاق) ، (پرتک) ، (چپاچقور) ، (چرمیک) لوالری ، اورالرك بکلرینه (یوردلق اوجاقلق) اولق اوزره ویرلشدی . بونلردن باشقه ، (جزیره) ، (اکیل) ، (کیخ) ، (پالو) کبی درت حکومت وازدی که ، بونلرك بکلرینه دیواندن (جناب) تعیری یازیلیردی . بونلر « مفروزالقلم » حکومتلردی . (قزات) ساحلرندن آطلر دگزینه قیدرامتداد ایدن ، منبت ، محصولدار ، صولری و معدنلریله محتشم بر ثروت منبعی تشکیل ایدن آنادولو طور اقلری ایسه ، هر درلو عمراندن محروم ، اوزرنده یاشایان چالیشقان وجوانمرد خلقیله برابر ، (سرای جدید عامره) اطرافنه طوپلانان صفیه سلطانلر ، جاقندا و راضیه قادینلر اداره سنده احتراصلرینی تأمین ایله اوغراشان یمشجیلرك ، ساعتجیلرك ، اصفهانی خواجه سیدالدینلرك ، کوزلری آریالغه دویمایان علما و سرای طاقنک چفتلکی مثابه سنده ایدی . عثمانلی مؤرخلر ، بو خلقک حقلرینی استرداده قیاملرینی تصویر ایدرکن ، اولنری شو عنوانه توصیف ایدرلردی : « رانل رعایا ، رؤسانه ویرلن غوانلرك اک لمستعملی ایسه معلومدی : نغی ... فی الحقیقه ، آنادولوده شقاوت یاسیلماز دکلدی . فقط بو ، مرکزی اداره نك

ظلمه ، اعتسافه ، سفاهته و احتراصنه فارشیدی . آنادولویه عادلانه برادره ایله برابر علم و عرفان نورینک کیردیی یوقدی . آنادولو ، عثمانلی اداره سنک ، عثمانلی رجالک دبدبه و سلطنتی تأمین ایچین برواسطه ایدی . جاهل روزیرک احتراصنی تطمین و یاسیفه بر پادشاهک سلطنتی تأمین ایچین آنادولو خلقی سرحدلره قوشدورولوردی . بونی آنادولو خلقی ده مدرکدی ، بو سبیدن آنادولونک آل عثمانه وداها دوغروسى عثمان اوغوللرینه قارشى بویوک بر عداوتی واردی . آنادولو ، استانبول سلطنتیه رزققرینی تأمین ایدنلری آنادولو تورکلرندن آیردایتمک باشلامشدی . فاتحن صوکر استانبولده باشلایان سلطنت دبدبه سی آنادولو ایچین بر فلاکت تلقی ایدیلوردی .

آنادولوده دوقوزنجی عصرده باشلایان دینی قیاملر ، استانبول « علمای رسوم » نک دار و محدود ذهنتنه قارشى تصوف قوتیه اجرا ایدیلن و بالخاصه سلطنته قارشى یاییلان استخلاص حرکتلریدی . فقط اون برنجی عصرده ، سرای حیاتى وقادینلر سلطنتی عثمانلی نفوذینی بوسوتون قیرمایه باشلادینی آندن اعتباراً بوقیاملر ، بوسوتون سیاسی برماهیت اکتساب ایتک باشلادی . استانبول اداره سنک ضعیف آنادولوده بوضعی ادراک ایدنلرک قوتی وجسارتی برقات داها آرتدیردی . آنادولو خلقنک باشنده قارا یازیجی ، حسین پاشا ، یوسف پاشا ، جانپولاد اوغلو ، قره سعیدکی عثمانلی سلطنته قارشى دشمن سیملر ظهور ایتدی . قلندر اوغلوده بونلردن بریدی .

قلندر اوغلو آتقره لیدی . اولاً ، بکلر بکلر معیتده بولوندى . چاووشلق ، کتخدالح ، متسلمک ایتدی . بعده جغاله زاده سنن پاشا شرق سفرینه مأمور اولدوغی زمانلر یاننده بولوندى . کندى ، اساساً جغاله زاده ایله طایشیردی . سرداردن بویوک التفاتلر کوردی . کندیسنه سانجاق بیله توجیه ایدلدى . معیتده یوزلرجه لوند بولوندوردی . اکرى سفرندن صوکر ، آنادولونک پریشانلی ، همان هر طرفده عثمانلی اداره سنه قارشى مسلح قیاملر ظهوری ، قلندر اوغلونى ده آياقلاندیردی (۱۰۱۳) .

مؤرخلر آنادولو خلقی عثمانلی اداره سنه قارشى آياقلاندیرانلری « ترك برلقا » دییه توصیف ایدیلورلردی . فی الحقیقه تورک اولدققرینی بونلرکده انکار ایتدکلری یوقدی . ذاتاً اونلرده استانبول رجالی ساده جه « عثمانلو » دییه یاد ایدیلورلردی . مع مافیه قوتلری برنده ایدی . « سیکانلری آتلو و پیاده ایکی فرقه اولوب پیاده سی یکجی قاعده سنجه ، یوز آتیش ایکی بلوک ، هر برینه برر چور باجی . علوفه لری ابتدادن اوچر اچقه ترقی ایله سکره وارنجه اوچ ایده بر پوستال وقیون آچقه سی وباروت وقیل وقورشون میریدن ،

بالجمله اون آلتی بیک یدییوز تفنک انداز موجود ، واغلاری جمعه نام کیمسه ایدی . آتلوسی دخی سپاه او جانغی طرزنده التی بلوک اولوب ، صاغ و صول ، جمله اون سکرز بیک آدم . بونلرک اغاسی ، خرتاوی ایدی » (نعیا ، جلد ۲ ، ص ۷) .

قلندراوغلو ، درت سهندن بری استانبول اداره سنی طانیوردی . مع مافیه کندیسنک آنادولوده طرفدارلری بک چوقدی . ۱۰۱۴ ده (صاروخان ایلی) نه کلدیکی زمان ، اورانک ایل ازلریله چارپشدی . استانبولی بویوک برتلاش آلدی . قلندر اوغلونی مغلوب ایتمک ایچون او یس پاشانک کتخدا سی یوسف پاشایه امر کوندرلدی . فقط نعیا ناک تعیری وجه ایله « یوسف پاشا نام ترک بدلقا » قلندراوغلونی التزام ایتدی . قلندراوغلو ، موجود قوتیه ، آنادولو بکلر بکیسی بیله بوزمایه موفق اولدی . نهایت قلندر اوغلونی طاتلیقله یاتیشدیرمایه لزوم حس ایدلدی . کندیسنه « آنقره سنجانغی منشوری » کوندریلدی . استانبولک آنادولو مسئله سنی یاتیشدیرمق خصوصنده کی عزمی ، قطعیدی . قویوچی مراد پاشا ، بویوک برقوتله آنادولویه متوجهاً یوله چیقمشدی . عصیان یالکز صاروخان اینلده دکلدی ، جانبولاد اوغلوده (حلب) طرفلرندمه قیام ایتشدی .

قلندر اوغلو ، آنقره سانجانغی آلدیه ایتدیکنه ممنون اولدی . کندیسنه آنادولو مسئله سنک حل ایچون مراد پاشا ایله برلشمه سی امر ایدلدی ؛ قلندر اوغلو بو امری دیگله مه دی . مراد پاشا ، اوصیراده ، (قونیه) ده بولونیوردی .

قلندر اوغلو (آنقره) اوکلرینه کلدی . متسلمنی شهره کوندردی . او زمانلر (آنقره) قاضیسی ولدان زاده احمد افندی ایدی . ولدان زاده ، متسلمه شهری تسلیم ایتمک ایسته مه دی : « حالا بر بلوک مسلح اشقیایی شهره ادخال جائز دکدر . بز سزه بوجعیت ایله حصار قنوسی آچازز ولایم کورسه جنک ایتدن قاچازز » دیدی .

قلندر اوغلو ، مسئله یی حسن صورتله حل ایتمک ایسته دی . قاضی یی « بعض سوز سونلشمک ایچون » دعوت ایتدی . ولدان زاده ، بلا تردد ، قلعه دن طیشاری چیقدی . یاننده بر قاچ آتلی واردی . قلندر اوغلو ایله ولدان زاده آراسنده شو مخاوره جریان ایتدی . قلندر اوغلو دیدی که :

— بومملکتی پادشاه بکا تملک ایتشدیر . واطرافنده اولان ستجاقلری دخی آدملریمه ویر-
مشدر . سز بنی شهره کیرمکدن یچون زد ، و دروازه شهری متسلممک یوزینه سنایتدیگز .
— اگرچه سنجاق سکا توجه اولمش اما سز بونده میزلوالر وضعنده کلدیگز .
ینه جلالیلر صورتنده کلدیگز . دلیل بودر که اولاً مزارع مسلمانان ایچره قوندیگز .

وغصباً ممالك عالمدين سوردیککز مواشی سوریلرین مسلمانلرک اکثرینه صالیدیکز . جلالیدن کوزلری قورقش ققراک جانلری سزدن اوزرکدی . انکچون حصار قیوسنی پرکتدیلر . شهره کیردیککزده دخی قتل و غصب و تعذیب و تخریب ایدرسز دیو و همه دوشدیلر . اما چون امر پادشاهیده بیان اولندوغی اوزره معسکر سزد ار اعظمه حقوق مقصودیکزدر . لوازم سفر هر نه ایسه دقتایدوب بر معتمد آدمکز ایله بزم یاغمزده آلیقوک و سز خلقه وحشت ویرمامک ایچون شهر اوزریدن قالقوب بر منزل اوزاقدیه فلان موضعده اوطورک . بن سزک مصالحیزی کوروب خلقه الفتکز حصوله سعی ایدین وبعده بن سزک خیمه کزه وارین و بکا نیجه رعایت ایدرسز کورهین . بعده خلق مطمئن اولوب سزه دخی شهره کیرمکه امکان اوله .

قلندر اوغلو ، قورنازدی . بونکله برابر ، قاضینک سوزلرینه موافقت ایتدی . کندی شهره کیرمه دی . آداملرندن برقچ کیشی کوندردی . ولدان زاده پلانی تطبیق ایتدی . « بعض امر دلره درازدستی » ایتدکلرینی بهانه ایدره ک قلندر اوغلونک آداملرینی حیلله ایله اولدورتدی . دیگر طرفندن ده قلندر اوغلونی اوایلادی ، عین زمانده قویوچی مراد پاشایده قلندر اوغلونی اوایلادیغنه و همان کلوب یتیشمه سی الزم اولدوغنه دائر بر مکتوب یوللادی . بومکتوب قلندر اوغلونک آداملری طرفندن آلدیه ایدلدی . ایشته اوزمان ، (آقره) اوکلرنده قلندر اوغلو ایله ولدان زاده پینده مدهش بر محاربه باشلادی . بوسیراده (آقره) به مراد پاشادن امداد قوتلری کلدی . فقط قلندر اوغلونک معیتده کی قوته قارشی هیچ بر موفقت استحصال ایدمه دی . مراد پاشانک شاهی طویلری قلندر اوغلونی عزمندن چویرمه دی .

قلندر اوغلو (آقره) دن (روسه) خوارینه کلدی . قویوچی مراد پاشا بواننده (حلب) ده ایدی . قلندر اوغلو ، (روسه) ده قینالی اوغلو ایله برلشدی . جانپولاد اوغلو استانبوله التجا ایدیه جکدی . اونی فکرندن واز کچیرمکه چالیشدی ، موفق اولامادی . فقط یاننده بولونان عسکرلرک کافه سی قلندر اوغلونه التحاق ایتدی . استانبولدن مهم بر قوت کونده ریلدی . قلندر اوغلو (میخالیچ) اوزرینه ایلریله دی ، بونلرک کافه سی بوزدی . تکرار (ایدین) و (صاروخان) طرفلرینه کلدی . قلندر اوغلونک قوتی کیندکجه بویووردی . جانپولاد اوغلو استانبوله کلدی . اولاه تلطیف ، بعده قتل ایدیلدی . استانبول ایچون تهلیکه نک بویوکی اورتادن قالقمش دیمکدی . جانپولاد اوغلو ، آنادولوده استانبول اداره سنه قارشی قیام ایدنلرک اک مددهشیدی . « خطبه

وسکده شرکت دعواسن ایدردی . شمیدی ، مراد پاشانک وظیفه سی ، قلندر اوغلوئی اورتادن قالدیرمقدی .

قلندر اوغلو ، آنادولوده کی بوتون رؤسای اطرافنه طویلامشدی . استانبول اداره سنه قارشى عصیان ایدنلرک محموعی اوتوز بیک کیشییه بالغ اولویوردی . قلندر اوغلو ، مراد پاشایه قارشى دوزمق ایچین حاضر لاندی . کندیسيله برابر الک ییلماز آداملر واردی : قره سعید ، آغاچدن پیری ، طاعلر دلیسی ، تگری بیلمز ، بالدیری قیصه ، کافر مراد ... قلندر اوغلو شو ملاحظه ایدی : « البته مراد پاشا اوزرینه وایرز . اکر فرصت بزم اولور ایسه ، قوجه بی بوزارسق اسکداردن بروسن ضبط ایده رز . »

قره سعید ، باشقه دورلو دوشونیوردی : « دیار آنادولو واسعدر . قوجه سردار اوزریمزه کلورسه بر طرفه طوغری کیده لم . قارشولیوب دوکشمک خطادر . » فقط قره سعیدی کیمسه دیگله مه دی . قلندر اوغلو ، قوتی برقات دها آرتدیرمایه چالیشدی . (ایچ ایل) ده مصلی چاووشی ده دعوت ایتدی . کوندردیکی مکتوب شو مآلده ایدی :

« سرگذشتم عالمه معلومدر . فته انکیز وعهد شکن عثمانیان مغلبه اولمقله غرورلری کاله ایروب عالمه جور وجفای پشه قیلمقله طاعتلرندن یوز چویروب اظهار خلوصی ترک ایلد کدنصکره میخالیچ و آیدین وصاروخان ایللرینی یغما وتالان ایلوب غنایم بشمار ایله دوندک . »

بو آنه کلنجه آل عثمان طرفندن من وجه قطع امید ایلوب سرکشک اولمازدی . جانیولاد اوغلو وقعه سندن صکره من بعد عثمانلو طرفندن قطع امید ایدوب جان تنده اولدقه سرفرو ایلمک یوقدر . حق تعالی معین اولورسه یانمزرده اولان بشمار کار کذار دلاورلر ایله اول قوجه فرتوقی بر طرف ایلوب اسکداردن بروسی عثمانلویه فراغت ایتدرمک واردر . »

مراد پاشا بو مخبریه واقف اولدی . مصلی چاووشک قلندر اوغلو ایله برلشمه سنه میدان ویرمه دی . مصلی چاووشی (ایچ ایل) سانجاغه تعین ایتدی ، بوتون شرطرینه راضی اولدی . قلندر اوغلوئی مهم بر قوتدن محروم ایتدکن صوگرا ، (حلب) دن یوله چیقدی .

قلندر اوغلو در حال خبر آلدی : مراد پاشا اردوسی ووروب خزینه سنی ضبط ایتمک ایسته دی . معینده کی قوت یکریمی بیک کیشی قدردی . سرغله (البستان)

حوالیسنه دوغرو یورودی . (کوسون) یایلاغنه کلدی . دربندی طوتدی ، مراد پاشانی کچیرمه مک ایستهدی . مضامه غایت شدتلی اولدی . قلندر اوغلو ، معیتده کی اردو ایله مراد پاشانک منتظم عسکريله ساعتارجه چاریشدی . فقط اردو آراسنده ، قرارکا- هلرینک یاغما ایدلیدیکنه دائر چقان شایعه ، الیم بر بوزغونلق حصوله کتیردی . قلندر اوغلو ایله معیتی ، قویوجی مراد پاشانک عسکرلری قارشیسنده فراره مجبور اولدیلر . قلندراوغلونک « آل عثمان » ه قارشی مجادله سی ده واقعا بصورتله ختامه ایردی ، عثمانلی اداره سی آنادولونک قیامی قوتله باصدیرابیلدی . فقط آنادولو خلقنک رفاه واستراحتی تأمین ایتهدیکی ایچین ، هرکسک قلبنده موجود نفرت واضطرابی هیچ بر زمان تسکین ایدمه دی .

اصم رفیق

آدبیات تاریخی

هدائی

۱

هدائی ، تصوفی خلق ادبیاتنک عمومی جریانی آره سنده خصوصی بر چیغیر آچارق ، یو ادبیاته باشقه بر مجرا ویرمک ایسته مه سی اعتباريله تدقیقه ده کر بر سیمادر . یونس امره دن باشلایارق تصوفی خلق ادبیاتنک تعقیب ایتدیکي یولک خارچنده بوسبوتون آیری بر استقامته کیدن هدائینک هدفی ، حیاتنده وائرند آرامق مراقلی اولدینی قادارده فائده لی بر مشغله در . بو هدفی اصابتله تعین ایسه ، پک بویوک ، پک اهمیتی اولماسه بيله ، ینه خلق ادبیاتنک تاریخی ایچون بر خدمت اولاجقدر .

*
**

هدائی ، بر قسم منبعله کوره ۹۴۸ ده ، دیگر بر قسم منبعله کوره ده ۹۵۰ سنه سنده دوغدی . [۱] تولد تاریخی اوزرنده اختلاف ایدلیدیکي کبی ، دوغدینی بر حقه ده

[۱] بزجه هدائینک ۹۴۸ ده دوغدینی صحیدر . هدائی خانقاهی شیخی طرفدن اخیراً نشر اولونان « کلیات هدائی » مقدمه سنده پیرک ۹۵۰ ده دوغدینی ذکر ایدیلورسه ده بو روايتک منبى مجهول وبلکه یالکز بر احتمالدن عبارتدر .